



## Universitätsbibliothek Paderborn

**Compendiolvm Vitæ Admirabilis Et Pretiosæ Mortis B.  
Rosæ De S. Maria Limensis Peruanæ, Tertii Ordinis S. P.  
Dominici à S. D. N. Clemente IX. Beatis Annumeratæ**

**González de Acuña, Antonio**

**Augustæ Vindelicorum, 1668**

Capvt Ultimvm. Rosæ defunctæ attactu, odore, veneratione, mors, morbi,  
pericula depelluntur. Ejusdem cingulum, vestes, sepulchro exemptus  
pulvis, & pictæ imagines phrenesim, cancrum, lepram, & omne ...

**urn:nbn:de:hbz:466:1-44063**

pit; quæ omnia evanuerunt statim atque elatis vocibus intonuit: Rosa verè Sancta est. Usque ad eò pro Sponsæ suæ honore zelabat Sponsus ille divinus, cui venti obediunt, & mare.

## CAPVT VLTIMVM.

**R**OSÆ defunctæ attactu, odore, veneratione, mors, morbi, pericula de-  
pelluntur. Ejusdem cingulum, vestes, sepul-  
chro exemptus pulvis, & pictæ imagines phre-  
nesim, cancrum, lepram, & omne morbo-  
rum genus mirabiliter cu-  
rant.

**Q**uamvis perpetuum prodigium fuerit Rosæ vita, innumeris illam ad aliorum salutem miraculis decoravit Deus, quæ si omnia percenserem, procul à compendii legibus iret historia nostra. Præstantiora quædam sufficiat indicasse; inter quæ principem locum te-  
net revocata ad vitam Magdalena de Torres fi-  
liola semestris Gregorij Agricolæ, quæ cum ex-  
animis à vespere ad usque posteræ diei lucem  
jacuisset, jamque paratus effodiendo sepulchro  
sarculus adstaret, attactu vestis Rosæ illicò vi-  
va, & sana in lecto confedit. Antonius Bran-  
tribus mensibus cum febri, & angore pectoris  
congressus, tandem jacuit sine motu, anhelitu,  
ullóve vel minimo signo vitali, nec vellicatione

vel

vel pulsū ullum à gelido corpore potuit extundi argumentum superstitionis vitæ, quam tamen post aliquod tempus in corpus revocavit Rosa ab adstantibus implorata. Dum in templo superfuit virginem corpus quā plurimis manifestam salutem attulit, veluti Elizabethæ Duran, cuius brachium à multo tempore siccum, & inutile humana ope curari non posse, Medici statuerant: Et servus Æthiops qui dexteri brachii, manusque usum ex plica, & nervorum attractione amiserat: Et Georgius de Aranda Presbyter qui ob excepta in sinistro brachio vulnera in bello Chilensi, sanie, convulsione, ac tumore attractam manum, vegetam, sanam, & flexibilem reperit: Et Alphonsus Diaz mendicus toti Limæ notissimus, qui humili nixus fulcro manumque & pedem ex attractione inutiles per solum trahens, illicè exilitavit in pedes, postquam ad Rosæ tumulum oravit: Adrepserunt & pueri duo Æthiopes quorū alter nec palmum à terra erigere se, alter vix grallis utcumque librare se poterat, & Rosæ beneficio exemplò incolumes duxere per templum choreas. Pueros quamplures variis morbis implicitos repente Rosa incolumente donavit, ideoque certatim de manu in manum porrigebantur, ut ad salutiferum contactum pervenirent. Quid porrò enumerem revocatos à faucibus mortis adhibito cingulo, velis, particulis vestium, aut aliis, quæ pia sedulitas

Rosa

Rosæ corpori admoverat? Nullum penè genus  
ægritudinis esse reor, quo aliqui pertentati sa-  
lutem Rosæ non debuerint. Et capite labo-  
rantes, & intolerabili cruciatu dentium, & o-  
culis aliquamdiu capti, & gangrena perusti, le-  
pra, impetigine, apostemate, arthritide, hydro-  
cela, angina, ad ultimum vitæ discrimen addu-  
cti: Et ex alto in profundas foveas prolapsi, &  
ab equis super irruentibus oppressi: Et qui  
mortem hauserant in poculis venenatis: Et  
quibus non nisi ad dolorem & onus luxata  
brachia, pedesve supererant. At quos urebat  
ardentissima febris, tām præsentem Rosæ opem  
experti sunt, ut omnem adnotandorum dili-  
gentiam superaverint, & Joannes Lobo Presby-  
ter sacramento coram Judicibus firmaverit, se  
diversissimis locis Chuquisaquæ, Potosij, Oru-  
ræ, alibi flagitantibus promiscuè omnis ætatis,  
sexus, conditionis infirmitatis præbuuisse potum vi-  
vificæ terræ, exemptæ sepulchro Rosæ, & illicò  
in omnium conspectu ferè innumeræ curata  
fuisse languorum genera, & febres præcipue  
statim abactas. Pepercera hæc terra prodi-  
giosè corpori Rosæ, namque cum Limense  
Cœnobium trecentos numeret Religiosos vi-  
ros, ut aula Capitularis excipere possit omnia  
decedentium cadavera, ex agro Panamæ adve-  
cta gleba fuit tenuis, soluta, arenosa, & innato  
calore subtiliter vorax, quo exemplò resolvat,  
ossum duritiem, & ingesta funera abstumat. Mi-  
rum

rum dictu! unico, totoque illo spatio, ubi sa-  
 crum Rosæ corpus immissum fuit, gleba muta-  
 vit indolem, ac ferè pumicea soliditate in se co-  
 acta obduruit, ut solum ibi digitis, levique ma-  
 nu teri, aut frangi nequeat, quin ferro opus  
 sit ut excavetur: non sic reliqua illius cœmete-  
 rii suburra tritu facillima, tractabilis, fluida.  
 Porro in hoc Rosæ Cœnotaphio ad perenne  
 humani generis beneficium viva salutiferi pul-  
 veris ſaturigo later, quod præsertim patuit an-  
 no 1632. cum post exportatos inde, totoque  
 Regno distributos terræ copinos, vix tria, vel  
 quatuor pondo cavo scrobiculo eruta viſa sunt.  
 Et cum P. F. Bernardus Marques paucis ante  
 diebus totum immisſet brachium foramini,  
 paulo post ſuccreſcente intus pulvere, vix ma-  
 num immergere totam potuit. Sexenni Virgi-  
 ni muſculos gutturales inflamarat ſynnanche,  
 & Chirurgus ulcere inspecto negaverat puellā  
 curari posse, namque gangrena ſe plagæ inſi-  
 nuaverat, & eroſæ carnes fruſtilatim ulceri  
 excidebant: atque indies ferpebat malum. At  
 epoto ſalutifero pulvere convaluit. Ab annis  
 viginti Abbatissa Monasterij S. Claræ miſerri-  
 mē torquebatur ex inflatione tibiæ, in qua ſpar-  
 ſim plusquām quadraginta ulcerum hiabant o-  
 ra, ſed & febrim per viſcera ſævientem extin-  
 xit, & vulnera clauſit pulvis hic ſalutaris. Sed  
 quid ſingula enumere? Fœminas præcipue  
 puerperii doloribus tabefcentes prætentissimo

au.

auxilio Rosa sæpiissimè recreavit, idcirco quamplurimis pueris, ac puellis, additum fuit cognomen de Rosa in perpetuum beneficii monumentum. Ipsa natura voluit aliquando superesse mnemosynon beneficii à Rosa collati, veluti in Petro de Quixano, qui cum transversum actus in utero matrem exanimaret, ope Rosæ prodixit statim, pictam gerens in dextra palpebra Rosam. Et alias huic novi Orbis Thaumaturgæ obtemperarunt mutatae naturæ vices, ut quando tauros ferociter irruentes compescuit, & piscibus imperavit, ut in retia confluenter, & puellæ decenni, vires addidit, ut pondus erigeret, cui quatuor robusti bauli impares fore credebantur. Quin etiam mentem aliquibus ab ejus statu dimotis illicò reddonavit. Hinc universæ Peruviæ incolis commune studium fuit, in prodigiosæ virtutis memoriam passim per ædes, Rosæ effigiem habere, cuius osculo quamplurimi cum morte luctantes, enormiter saucij, per humum solutis membris repentes, salutem illicò receperunt. Ex his imaginibus aliquæ pallentem Rosæ vultum referentes, visæ sunt venustè in genis rubore, & blando fulgore hilaritatis suæ, omnium animos accendere ea die, qua publicè perlectæ sunt Apostolicæ litteræ compellentes undique fideles ad Rosæ prodigia sacris Judicibus deferenda. Horum admirabilem & copiosam nar-

G

ca-

96 VITA B. ROSÆ VIRG. PERUAN.

rationem qui velit, consulat Historiam de Ve-  
nerabilis Rosæ vita, elegantissimè, & ingenio-  
sè contextam à R. P. M. Leonardo Hansen  
Provinciali Angliæ Ordinis Prædi-  
catorum.

F. Antonius Gonzalez.



IN